



UNIVERSITÄTS-
BIBLIOTHEK
PADERBORN

Universitätsbibliothek Paderborn

Io. Francisci Leonis Eporediensis I. V. D. Episcopi Thelesini Thesaurus Fori Ecclesiastici

Leoni, Giovanni Francesco

Coloniae Agrippinae, 1682

3 Visitare possunt Ordinarii ecclesias parochiales subjectas religioni S.
Ioannis Hierosolymitani, & quomodo.

urn:nbn:de:hbz:466:1-10316

Epis coporum censura maximè manent obnoxia, illorumque correctioni præsertim subiiciuntur ea, de quibus, quæ communiora, ac utiliora visa fuere notavimus. eorum. n. sunt præcipuè partes: exactè disquirere, ne in huiusmodi, sicut & in aliis rebus, legitimus iustitiæ ordo turbetur. Idè de visitatione nonnulla hic loci assumenda commodum iudicavimus. Visitationum ¶ omnium præcipuus scopus esse debet, sanam, orthodoxamque doctrinam, expulsis hæresibus, inducere, bonos mores tueri, pravos corrigere; populum cohortationibus, & admonitionibus ad religionem, pacem, innocentiamque accendere, & cætera, prout locus, tempus, & occasio fert ex visitantium prudentia, ad fidelium fructum constituere, concil. Trident. in cap. 3. §: visitationum autem, de reform: sess. 24. cap. 1. §. Florentinum 85. dist. & cap. 1. §. sanè, de censib. in 6.

2. Visitari ¶ debent ab Ordinarijs locorum annis singulis beneficia ecclesiastica curata, quæ cathedralibus collegiatis, seu alijs ecclesijs vel monasteriis beneficijs, seu collegijs aut pijs locis quibuscunque perpetuo unita, & annexa reperiuntur: & sollicitè providendum est, ut per idoneos Vicarios, etiam perpetuos, nisi ipsis Ordinarijs pro bono ecclesiarum regimine aliter expedire videatur, ab eis, cum tertiæ partis fructuum, aut majori, vel minori arbitrio ipsorum ordinariorum, portione, etiam super certa resignanda ibidem deputandos, animarum cura laudabiliter exerceatur, appellationibus, privilegijs, exemptionibus, & inhibitionibus non obstantibus, cap. 7. de re-

form. sess. 7. & quascunque parochiales ecclesias, tam sæculares, quàm regulares, & exemptas, & etiam militiarum & membra curam animarum habentia illis unita possunt visitare, cap. 8. sess. 7. & sacra congreg. conc. in decis. manuscript. super eodem cap. 7. sub tit. Portugallia §. licet ordinarij, & §. possunt etiam tum. Et parochiales nullius diocæsis, quas Episcopus, cujus cathedralis est proximior, tanquàm Sedis Apostolicæ delegatus, debet visitare, privilegijs, & consuetudinibus quibuscunque etiam immemorabilibus non obstantibus, cap. 8. de reform. sess. 21. & cap. 9. de reform. sess. 24. & sacra congreg. conc. in eisdem decisionibus manuscript. super d. cap. 8. sess. 21. sub tit. Veronen. §. licet monasterium, ac Taurinen. §. Ecclesia ubi, & Augusten. §. si Abbates.

Eademque ecclesias quomodolibet exemptas, auctoritate Apostolica visitare tenentur, & opportunis remedijs providere, ut quæ reparatione indigent, reparentur, & cura animarum, si qua illis imminet, alijsque debitis obsequijs minimè defraudentur, quibuscunque non obstantibus, ut eod. c. 8. de reform. sess. 7. & cap. 8. de reform. sess. 21. cap. decernimus, 10. quest. 1. & c. de his, extra de eccl. edific. pro ecclesiarum restauratione possunt ab Ordinarijs fructus sequestrari, ut ecclesiarum reparentur, etiam, si illæ ¶ essent militiarum Sancti Joannis Hierosolymitani, ut in eisdem decis. super eo, cap. 8. sess. 21. sub tit. Polen. §. fructus ecclesiarum in quibus dumtaxat habent jurisdictionem in concernentibus curam animarum, & sacramentorum administrationem, ut defectus calicum, & decentia

paramentorum ad decorem administrationis sacramentorum provideatur, nec potest mandare, ut ecclesia, vel sacristia ejusdem ordinis reficiatur, ut in decis. sub dicto c. 8. sess. 21. sub tit. *Tranen. S. in Ecclesia. & sub tit. Casaraugustan. S. Archiepiscopus potest*; sed sequestrum super fructibus apponere valet, pro tuitione ecclesie, cui superiores ejusdem ordinis debent postea de ejusdem providere, seu provideri facere.

In quibus autem beneficiis regularibus regularis observantia viget, Episcopi paternis admonitionibus, ut eorum regularium superiores juxta eorum regularia instituta debitam vivendi rationem observent, & observari faciant, & sibi subditos in officio contineant, & moderentur, monere debent. Quod, si admoniti intra sex menses, eos non visitaverint, vel correxerint, tunc iidem Episcopi, etiam, ut delegati Sedis Apostolicæ, eos visitare possunt, & corrigere, prout ipsi superiores possent juxta eorum instituta, quibuscunque appellationibus, privilegiis & exemptionibus remotis, ut in eo. cap. 3. post. med. sess. 21.

4 Non tamen propterea licet ꝑ episcopis superiores regulares privare decimis, aut pure conferendi, vel presentandi, sed debent providere curæ animarum & deputationi Vicariorum idoneorum, cum congruæ portionis fructuum assignatione, ut animarum cura nullatenus negligatur, & beneficia ipsa debitis obsequiis minime defraudentur, & appellationibus, privilegiis, & exemptionibus quibuscunque minime suffragantibus, ut cap. 5. post. med. cap. 7. sess. 7. cap. 1. in fin. de reform. sess. 6: & congreg. concil.

super cap. 8. de reform. sess. 21. §. si Abates.

5 Congrua verò ꝑ portio Vicariis perpetuis esse debet, non major centum, nec minor quinquaginta scutorum annuorum summa, computatis omnibus etiam incertis emolumentis, & alijs obventionibus communiter percipi solitis, nisi Vicariis temporariis solitum fuisset plus assignari; & sive in quantitate, aut quora fructuum, pecuniaque numerata, fundo, seu alia re stabili, portio hujusmodi constitui debet, ut fuit à Pio V. taxatum in sua constitutione in Bul. cap. 46 & talis debet esse, ut Vicarius perpetuus commodè vivere possit, cap. de monachis, de præb. & clem. 1. de iurepatr.

6 Et licet ꝑ dicta portio legatur imposita etiam super emolumentis, & alijs obventionibus, etiam incertis, communiter percipi solitis, in illis tamen centum non sunt computandæ elemosinæ altaris, funeralium, & aliæ similes, sed illa incerta, quæ habent quandam certitudinem, ut sunt decimæ frumenti, vini, aliique fructus, emolumenta, & obventiones, quæ penes titularem sunt incerta, quantum ex illis percipere possit; non autem super illis incertis, quæ Vicarius postea ex suo labore, & officio percipit, quia illa non includuntur in portione centum, vel quinquaginta ad minus, quæ assignantur ex fructibus beneficij, quia jus de his non considerat, nec in congrua portione solent computari, ut per Rebuff. in tract. congr. port. numer. 83. 85. & 86. De ꝑ distributionibus autem quotidianis, quod non computentur in valore beneficij, tenet Rot. dec. 8. de præb. in nov. decis. ult. de præben. in antiqu. Oldrad. cons. 118. ex vir-